

四庫全書

集部

欽定四庫全書

御定全唐詩卷二百六十

秦系

秦系字公緒會稽人天寶末避亂剡溪北都留守薛兼  
訓奏為右衛率府倉曹參軍不就建中初客泉州南安  
有九日山大松百餘章俗傳東晉時所植系結廬其上  
穴石為研注老子彌年不出張建封聞系不可致請就  
加校書郎自號東海釣客與劉長卿善以詩相贈答權

德輿曰長卿自以為五言長城系用偏師攻之雖老益壯其後東渡秣陵年八十餘卒南安人思之號其山為高士峰詩一卷

晚秋拾遺朱放訪山居

不逐時人後終年獨閉關家中貧自樂石上卧常閒墜栗添新味寒花帶老顏侍臣當獻納那得到空山

題女道士居

不餌芝術四十餘年  
一作馬戴詩

不餌住雲溪休丹罷藥畦杏花虛結子石髓任成泥掃

地青牛卧栽松白鶴棲共知仙女麗莫是阮郎妻

山中枉張宙員外書期訪衡門

常恨相知晚朝來枉數行卧雲驚聖代拂石候仙郎時  
果連枝熟春醪滿甕香貧家仍有趣山色滿湖光

山中贈張正則評事

系時授右衛佐以疾不就

終年常避喧師事

一作自注

五千言流水閒過院春風與閑

門山茶邀上客桂實落前軒莫強

一作何事

教余起微官

一作

言不足論

題鏡湖野老所居

一作馬戴詩

湖裏尋君去樵風往返吹樹喧巢鳥出路細蒔田移漚  
芋成魚網枯根是酒卮老年唯自適生事任羣兒

早秋宿崔業居處

從來席不暖為爾便淹留雞黍今相會雲山昔共遊上  
簾宜晚景卧簟覺新秋身事何須問余心正四愁

贈烏程楊革明府

策杖政成時清溪弄釣絲當年潘子貌避病沈侯詩漉

酒迎賓急看花署字遲楊梅今熟未與我兩三枝

徐侍郎素未相識時攜酒命饌兼命諸詩客同

訪會稽山居

忽道仙翁至幽人學拜迎華簪窺甕牖珍味代藜羹洗  
硯魚仍戲移樽鳥不驚蘭亭攀叙却會此越中營

春日閒居三首

一似桃源隱將令過客迷礙冠門柳長驚夢院鶯啼澆  
樂泉流細圍碁日影低舉家無外事共愛草萋萋

長謡朝復暝幽獨幾人知老鶴無雛弄叢篁帶笋移白  
雲將袖拂青鏡出簷窺邀取漁家叟花閒把酒卮  
寂寂池亭裏軒窗閒綠苔游魚牽荇沒戲鳥踏花摧小  
徑僧尋去高峯鹿下來中年曾屢辟多病復遲迴

題石室山王宁所居

罷官學道

白雲知所好柏葉幸加餐石鏡妻將照仙書我借看鳥  
來翻藥碗猿飲怕魚竿借問簷前樹何枝曾挂冠

送王道士

真人俄整鳥雙鶴屢飛翔恐入壺中住須傳肘後方霓  
裳雲氣潤石徑木苗香一去何時見仙家日月長

將移耶溪舊居留贈嚴維秘書

一作留呈嚴長史陳秘書

雞犬漁舟裏長謠任興行那邀落日

一作即今邀客醉已被遠

山迎書篋

一作屐又作笈

將非重荷衣著甚輕謝安無箇事忽

起為蒼生

秋日過僧惟則故院

衰草經行處微燈舊道場門人失譚柄野鳥上禪牀科

斗書空古梅檀鉢自香今朝數行淚却灑約公房

山中奉寄錢起員外兼簡苗發員外

空山歲計是胡麻窮

一作江

海無梁泛一槎稚子惟能覓

梨栗逸妻相共老烟霞高

一作朗

吟麗句驚巢鶴閒閒春

風看落花借問省

一作郡

中何水部今人幾箇屬詩家

獻薛僕射

有序

系家于剡山向盈一紀大歷五年人或以其文聞

于鄴留守薛公無何奏系右衛率府倉曹參軍意

所不欲以疾辭免因將命者輒獻斯詩

由來那敢議輕肥散髮行歌自採薇逋客未能忘野興  
辟書翻遣脫荷衣家中匹婦空相笑池上羣鷗盡欲飛  
更乞大賢容小隱益看愚谷有光輝

鮑防員外見尋因書情呈贈

曾與系同舉場

少小為儒不自強如今嬾復見侯王覽鏡已一作知身

漸老買山將作計偏長荒涼鳥獸同三逕撩亂琴書共  
一牀猶有郎官來問疾時人莫道我佯狂

寄浙東皇甫中丞

閒閒麋鹿或相隨一兩年來鬢欲衰  
琴硯共依春酒甕雲霞覆著破柴籬  
注書不向時流說種藥空令道者知  
久帶紗巾仍藉草山中那得見朝儀

題章野人山居

一作馬戴詩

帶郭茅亭詩興饒回看一曲倚危橋  
門前山色能深淺壁上湖光自動搖  
閒花散落填書帙戲鳥低飛礙柳條  
向此隱來經幾載如今已是漢家朝

山中枉皇甫溫大夫見招書

十年木屐步苔痕石上松閒水自喧  
三辟草堂仍被褐數行書札忽臨門  
卧多共息嵇康病才劣虛同郭隗尊  
亞相已能憐潦倒山花笑處莫啼猿

題茅山李尊師山居

一作嚴維詩

天師百歲少如童不到山中竟不逢  
洗藥每臨新瀑水步虛時上最高峰  
籬間五月留殘雪座右千年蔭老松  
此去人寰今遠近回看雲壑一重重

耶溪書懷寄劉長卿員外

時在睦州

時人多笑樂幽棲  
晚起閒行獨杖藜  
雲色卷舒前後嶺  
藥苗新舊兩三畦  
偶逢野果將呼子  
屢折荆釵亦為妻  
擬共釣竿長往復  
嚴陵灘上勝耶溪

山中崔大夫有書相問

一作崔大夫有書問余山中

客在烟霞裏  
閒閒逐狎鷗  
終年長髯足  
連日半蓬頭  
帶月乘漁艇  
迎寒綻鹿裘  
已于人事少  
多被挂冠留  
素業堆千卷  
清風至一丘  
蒼黃倒藜杖  
偃僂覩銀鉤  
跡愧巢

由隱才非管樂儔從來自多病不是傲王侯

張建封大夫奏系為校書郎因寄此作

久是煙霞客潭深釣得魚不知芸閣上遺校幾多書

會稽山居寄薛播侍郎袁高給事高參舍人

稷卨今為相明君復是堯寧知買臣困猶負會稽樵

閒居覽史

長策胸中不復論荷衣藍縷閉柴門當時漢祖無三傑  
爭得咸陽與子孫

山中贈耿拾遺漳無兩省故人

數片荷衣不蔽身，青山白鳥豈知貧。  
如今非是秦時世，更隱桃花亦笑人。

秋日送僧志幽歸山寺

一作馬戴詩

禪室繩床在翠微，松閒荷笠一僧歸。  
磬聲寂歷宜秋夜，冷燈前自衲衣。

題僧明惠房

簷前朝暮雨，添花八十真僧飯。  
一作熟麻入定幾時將

出定不知巢燕污袈裟

答泉州薛播使君重陽日贈酒

欲強登高無力也  
籬邊黃菊為誰開  
共知不是潯陽郡  
那得王弘送酒來

題洪道士山院

霞外主人門不扃  
數株桃樹藥囊青  
閒行池畔隨孤鶴  
若問多應道姓丁

期王鍊師不至

黃精蒸罷洗瓊杯  
林下從留石上苔  
昨日圍碁未終局  
多乘白鶴下山來

題贈張道士山居

盤石垂蘿即是家  
回頭猶看五枝花  
松閒寂寂無烟火  
應服朝來一片霞

山中書懷寄張建封大夫

昨日年催一作新白髮  
新身如麋鹿不知貧  
時時亦被羣

兒笑賴有南山四老人

山中贈諸暨丹丘明府

荷衣半破帶莓苔  
笑向陶潛酒甕開  
縱醉還須上山去  
白雲那肯下山來

奉寄畫公

簔笠雙童傍酒船  
湖山相引到房前  
團一作已蕉何事教  
人見暫借空牀守坐禪

宿雲門上方

禪室遙看峯頂頭  
白雲東去水長流  
松閒儻許幽人住

不更將錢買沃州

一作洲

即事奉呈郎中韋使君

時系試秘書省校書郎

久卧雲間已息機  
青袍忽著狎鷗飛  
詩興到來無一事

郡中今有謝玄暉

曉雞

黯黯嚴城罷鼓鼙  
數聲相續出寒棲  
不嫌驚破紗窗夢

却恐為妖半夜啼

御定全唐詩卷二百六十

# 欽定四庫全書

集部

御定全唐詩卷二百六十一至  
四

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣周元濬

欽定四庫全書

御

定全唐詩卷二百六十一

任華

任華李杜同時人初為桂州刺史叅佐嘗與賈京尹杜  
中丞嚴大夫賡多所致責又與庾中丞書云華本野人  
常思漁釣尋當杖策歸乎舊山非有機心致斯扣擊其  
亦狂狷之流歟詩三首

寄李白

古來文章有能奔逸氣聳高格清人心神驚人魂魄我

聞當今有李白大獵

一作鵬

賦鴻猷文嗤長卿笑子雲班

張所作瑣細不入耳未知卿雲得在嗤笑限登廬山觀

瀑布海風吹不斷江月照還空

一作明

余愛此兩句登天

台望渤海雲垂大鵬飛山壓巨鰲背斯言亦好在

一本無在

字至於他作多不拘常律振擺超騰既俊且逸或醉中

操

一作掃

紙或興來

一作乘興

走筆手下忽然

一作有

片雲飛眼

前劃見孤峰出而我有時白日忽欲睡睡覺欵然起攘

臂任生知有君君也知有任生未中間聞道在長安及

余戾止君已江東訪元丹邂逅不得見君面每常

一作有時

把酒向東望良久見說往年在翰林胸中矛戟何森森

新詩傳在宮人口佳句不離明主心身騎天馬多意氣

目送飛鴻對豪貴承恩召入凡幾迴待詔歸來仍半醉

權臣妬盛名羣犬多吠聲有勅放君却歸隱淪處

一本無處

字高歌大笑出關去且向東山為外臣諸侯交迓馳朱

輪白壁一雙買交者黃金百鎰相知人平生傲岸其志

不可測數

一本無數字

十年為客未嘗一日低顏色八詠樓

中坦腹眠五侯門下無心憶繁花越臺上細柳吳宮側

綠水青山知有君白雲明月偏相識養高蕪養閒可望

不可攀莊周萬物外范蠡五湖間人傳

一作又聞

訪道滄海

上丁令王喬每往還蓬萊徑是曾到來方丈豈唯方一

丈伊余每欲乘興往

一作遠

相尋江湖擁隔勞寸心今朝

忽遇東飛翼寄此一章表胸臆儻能報我一

一作以

片言

但訪任華有人識

寄杜拾遺

杜拾遺名甫第二才甚奇任生與君別別來已多時何  
嘗一日不相思杜拾遺知不知昨日有人誦得數篇黃

絹詞吾怪異奇特借問果然

一本無然字

稱是杜二之所為

勢攫虎豹氣騰蛟螭滄海無風似鼓盪華嶽平地欲奔  
馳曹劉俯仰慚大敵沈謝逡巡稱小兒昔在帝城中盛  
名君一個諸人見所作無不心膽破郎官叢裡作狂歌  
丞相閣中常醉卧前年皇帝歸長安承恩濶步青雲端

積翠扈游花匝匝披香寓直月團圓英才特達承天睞

公卿無一作誰

不相欽羨只緣汲黯好直言遂使安仁却

為掾如今避地錦城隅幕下英寮每日相隨

一作就

提玉

壺半醉起舞捋髭鬚乍低乍昂傍若無古人制禮但為

防俗士豈得為君設之乎而我不飛不鳴亦何以只待

朝廷有知己已曾讀却無限書拙詩一句兩句在人耳

如今看之總無益又不能崎嶇傍

一作倚

朝市且當事耕

稼豈得便徒爾南陽葛亮為友朋東山謝安作鄰里閒

常把琴弄悶即攜樽起鶯啼二月三月時花發千山萬  
山裏此時幽曠無人知火急將書憑驛使為報杜拾遺

懷素上人草書歌

吾嘗好奇古來草聖無不知豈不知右軍與獻之雖有  
壯麗之骨恨無狂逸之姿中間張長史獨放蕩而不羈  
以顛為名傾蕩於當時張老顛殊不顛於懷素懷素顛  
乃是顛人謂爾從江南來我謂爾從天上來負顛狂之  
墨妙有墨狂之逸才狂僧前日動京華朝騎王公大人

馬暮宿王公大人家誰不造素屏誰不塗粉壁粉壁搖  
晴光素屏凝曉霜待君揮灑兮不可彌忘駿馬迎來坐  
堂中金盃盛酒竹葉香十杯五杯不解意一作起百杯已

後始顛狂一顛一狂多意氣大叫一聲起攘臂揮毫倏  
忽千萬字有時一字兩字長丈二翕若長鯨潑刺動海  
島歛若長蛇成律透深草回環繚繞相拘連千變萬化  
在眼前飄風驟雨相擊射速祿颯拉動簷隙擲華山巨  
石以為點掣衡山陣雲以為畫興不盡勢轉雄恐天低

而地窄更有何處最可憐  
裊裊枯藤萬丈懸  
萬丈懸拂  
秋水映秋天或如絲或如髮  
風吹欲絕又不絕  
鋒芒利  
如歐冶劍勁直  
渾是并州鐵  
時復枯燥何襍褻  
忽覺陰  
山突兀橫翠微  
中有枯松錯落一萬丈  
倒挂絕壁威  
枯  
枝千魑魅  
兮萬魑魅  
欲出不可何閃屍  
又如瀚海日暮  
愁陰濃  
忽然躍出千黑龍  
天矯偃蹇入乎蒼穹  
飛沙走  
石滿窮塞  
萬里颼颼西北風  
狂僧有絕藝  
非數仞高牆  
不足以逞其筆勢  
或逢花箋與絹素  
凝神執筆守恒度

別來筋骨多情趣  
霏霏微微點長露  
三秋月照丹鳳樓  
二月花開上林樹  
終恐絆騏驎之足  
不得展千里之步  
狂僧狂僧爾雖有  
絕藝猶當假良媒  
不因禮部張公將  
爾來如何得聲名  
一旦喧九垓

魏萬

魏萬嘗居王屋山後名顯上元初登第初遇李白於廣陵白曰爾後必著大名於天下因盡出其文命集之其還王屋山也白為之序稱其愛文好古今存詩一首

金陵酌李翰林謫仙子

君抱碧海珠我懷藍田玉各稱希代寶萬里遙相燭長

卿慕蘭久子猷意已深平生風雲一作雅人暗合江海心

去秋忽乘興命駕來東土謫仙遊梁園愛子在鄒魯二

處一不見拂衣向江東五兩挂海一作淮月扁舟隨長風

南遊吳越徧高揖二十石雪一作雲上天台山春逢翰林

伯宣父敬項橐一作託林宗重黃生一長復一少相看如

弟兄惕然意不盡更逐西南去同舟入秦淮建業龍盤

處楚歌對

一作醉

吳酒借問承恩初宮買長門賦天迎駟

馬車才高世難容道廢可推命安石重攜妓子房空謝

病金陵百萬戶六代帝王都虎石據西江鍾山臨北湖

二一作湖

山信為美王屋人相待應為岐路多不知歲寒

在君游早晚還勿久風塵間此別未遠別秋期到仙山

崔宗之

崔宗之名成輔以字行日用之子襲封齊國公歷左司

郎中侍御史謫官金陵與李白詩酒唱和常月夜乘舟

自采石達金陵詩一首

贈李十二白

涼風八九月白露滿空庭耿耿意不暢稍稍一作稍稍風葉

聲思見雄俊士共話今古情李侯忽來儀把袂苦不早

清論既抵掌玄談又一作多絕倒分明楚漢事歷歷王霸

道擔囊無俗物訪古千里餘袖有匕首劍懷中茂陵書

雙眸光照人詞賦凌子虛酌酒弦素琴霜氣正一作風氣凝

潔平生心中事今日為君說我家有別業寄在嵩之陽

明月出高岑清谿澄素光雲散窗戶靜風吹松桂香子  
若同斯遊千載不相忘

崔成甫

崔成甫官校書郎再尉關輔貶湘陰有澤畔吟李白為  
之序其為陝縣尉時韋堅為陝郡太守無水陸轉運使  
鑿潭望春樓下成甫因變得丁紀反體都董反歌為得寶歌  
堅命舟人歌之成甫又廣為十闕今不傳存詩一首

贈李十二白

我是瀟湘放逐臣  
君辭明主漢江濱  
天外常求太白老  
金陵捉得酒仙人

嚴武

嚴武字季鷹華州人工部侍郎挺之之子以蔭調太原  
府叅軍累遷殿中侍御史從明皇入蜀擢諫議大夫至  
德初房琯以其名臣子薦為給事中歷劍南節度使入  
為太子賓客兼御史大夫改吏部侍郎尋轉黃門侍郎  
再為成都尹以破吐蕃功進檢校吏部尚書封鄭國公

最善杜甫其復鎮劍南甫往依之詩六首

寄題杜拾遺錦江野亭

漫向江頭把釣竿  
懶眠沙草愛風湍  
莫倚善題鸚鵡賦  
何須不著鷓鴣冠  
腹中書籍幽時曬  
肘後醫方靜處看  
興發會能馳駿馬  
應須直到使君灘

酬別杜二

獨逢堯典日  
再覩漢官時  
未効風霜勁  
空慙雨露私  
夜鐘清萬戶  
曙漏拂千旗  
並向殊庭謁  
俱承別館追  
斗城

憐舊路過水惜歸期

自注昔會秦關今別巴嶺

峰樹還相伴江雲更

對垂試迴滄海權莫妬敬亭詩祇是書應寄無忘酒共

持但令心事在未甯鬢毛衰最悵巴山裏清猿醒

一作惱

夢思

### 題巴州光福寺楠木

楚江長流對楚寺楠木幽生赤崖背臨谿挿石盤老根  
苔色青蒼山雨痕高枝鬧葉鳥不度半掩白雲朝與暮  
香殿蕭條轉密陰花龕滴瀝垂清露聞道偏多越水頭

煙生霽斂使人愁月明忽憶湘川夜猿叫還思鄂渚秋  
看君幽靄幾千丈寂寞窮山今遇賞亦知鐘梵報黃昏  
猶卧禪牀戀奇響

班婕妤

一作嚴  
識玄詩

賤妾如桃李君王若歲時秋風一已勁搖落不勝悲寂  
寂蒼苔滿沈沈綠草滋繁華非此日指輦競何辭

巴嶺答杜二見憶

卧向巴山落月時兩鄉千里夢相思可但步兵偏愛酒

也知光祿最能詩江頭赤葉楓愁客籬外黃花菊對誰  
跋馬望君非一度冷猿秋鴈不勝悲

軍城早秋

昨夜秋風入漢關朔雲邊月

一作雪

滿西山更催飛將追

驕虜莫遣沙場疋馬還

韋迢

韋迢京兆人爲都官郎歷嶺南節度行軍司馬卒贈同  
州刺史與杜甫友善其出牧韶州甫有詩送之存詩二

首

潭州留別杜員外院長

江畔長沙驛

一作澤

相逢纜客船大名詩獨步小郡海西

偏地濕愁飛鵬天炎畏跼鵝去留俱失意把臂共潸然

早發湘潭寄杜員外院長

北風昨夜雨江上早來涼楚岫千峰翠湘潭一葉黃故  
人湖外客白首尚為郎相憶無南鴈何時有報章

郭受

郭受大厯間人杜甫有酬郭十五判官詩蓋受曾為衡陽判官詩一首

寄杜員外

員外垂示詩因作此寄上

新詩海內流傳久舊德朝中屬望勞郡邑地卑饒霧雨  
江湖天濶足風濤松花酒熟傷看醉蓮葉舟輕自學操  
春興不知凡幾首衡陽紙價頗能高

衡陽出五家紙又云出五里紙

御定全唐詩卷二百六十一

欽定四庫全書

御定全唐詩卷二百六十二

韓滉

韓滉字太沖少師休之子以蔭補騎曹叅軍至德初青  
齊節度鄧景山辟為判官授監察御史累遷吏部員外  
郎大厯中改郎中擢尚書左丞德宗朝為江淮轉運使  
加同平章事工書兼善丹青詩二首

晦日呈諸判官

晦日新晴春色嬌萬家攀折渡長橋年年老向江城寺  
不覺春風換柳條

聽樂悵然自述

一作病中遣妓  
一作司空曙詩

萬事傷心對管弦

一作在目前

一身含淚向春煙

一作憔悴  
對花眠

黃金用盡教歌舞留與他人樂少年

竇蒙

竇蒙字子全肅宗時試國子司業兼太原縣令詩一首

題弟泉述書賦後

泉官檢校戶部員外郎富詞  
藻精草隸嘗製述書賦論書

家起史籍迄唐至德一百九十八人并及署證  
印記徵求保翫等事總七千六百四十言衆亡

蒙題

賦云

受命別家鄉思歸每斷腸季江留被在子敬與琴亡吾  
弟當平昔才名荷寵光作詩通小雅獻賦掩長楊流轉  
三千里悲啼百萬行庭前紫荆樹何日再芬芳

張濯

張濯登上元進士第詩二首

迎春東郊

顓頊時初謝句芒令復陳飛灰將應節賓日已知春考  
歷明三統迎祥受萬人衣冠宵執玉壇墀曉清塵肅穆  
來東道回環拱北辰仗前花待發旂處柳疑新雲斂黃  
山際冰開素滙濱聖朝多慶賞希為薦沈淪

題舜廟

古都遺廟出河

一作山

漬

一作汾

萬代千秋仰聖君蒲坂城

邊長逝水蒼梧野外不歸雲寥寥象設魂應在

一作老

寂

寂虞篇德已聞向晚風吹庭下栢猶疑琴曲韻

一作咏

南

薰

王綽

王綽登上元進士第詩一首

迎春東郊

玉管潛移律東郊始報春鑾輿應寶運天仗出佳辰  
澤光時輩恩輝及物新虬螭動旌旆煙景入城闔御柳

初含色

一作搖日

龍池漸啓津誰憐在陰者得與執蠶伸

鄭錫

鄭錫登寶應進士第寶歷間為禮部員外詩十首

邯鄲少年行

霞鞍金口騮豹袖紫貂裘家住叢臺近

一作門前

漳水

流喚人呈楚舞借客試吳鉤見說秦兵至甘心赴國讐

隴頭別

秋盡初移幙霑裳一送君據鞍窺古堠開竈熟寒雲登  
隴人迴首臨關馬顧羣從來斷腸處皆向此中分

度關山

象弭插文犀魚腸瑩鴈鶉水聲分隴咽馬色度關迷曉  
幕胡沙慘危烽漢月低仍聞數騎將更欲出遼西

出塞

關山落葉秋掩淚望營州遼海雲沙暮幽燕旌旆愁戰  
餘能送陣身老未封侯去國三千里歸心紅粉樓

玉階怨

長門寒水流高殿曉風秋昨夜鴛鴦夢還陪豹尾游前  
魚不解泣共輦豈關羞那及輕身燕雙飛上玉樓

千里思

渭水通胡苑  
輪臺望漢關  
帛書秋海斷  
錦字夜機閒  
旅夢蟲催曉  
邊心雁帶還  
惟餘兩鄉思  
一夕度關山

襄陽樂

春生峴首東  
先煖習池風  
拂水初含綠  
驚林未吐紅  
渚邊游漢女  
桑下問龐公  
磨滅懷中刺  
曾將示孔融

送客之江西

乘輅奉紫泥  
澤國渺天涯  
九派春潮滿  
孤帆暮雨低  
草

深鶯斷續花落水東西更有高唐處知君路不迷

望月

高堂新月明虛殿夕風清素影紗窗霽浮涼羽扇輕稍  
隨微露滴漸逐曉參橫遙憶雲中詠蕭條空復情

出塞曲

校尉徵兵出塞西別營分騎過龍

一作瀧

溪沙平虜跡風

吹盡霧失烽煙道易迷玉靶半開鴻已落金河欲渡馬

連嘶會當繫取天驕人不使軍書夜刺

一作到 閨

古之奇

古之奇登寶應進士第嘗為馬燧辟置幕府李端有詩  
贈之詩一首

秦人謠

微生祖龍代却思堯舜道何人仕帝庭拔殺指佞草茲  
臣弄民柄天子恣衷抱上下一相蒙馬鹿遂顛倒中國  
既板蕩骨肉安可保人生貴年壽吾恨死不早

李陽冰

李陽冰字仲溫趙郡人李白之從叔寶應元年為當塗令白往依之曾為白序其詩集官止將作少監工篆書詩一首

阮客舊居

阮客身何在仙雲洞口橫人間不到處今日此中行

御定全唐詩卷二百六十二

欽定四庫全書

御定全唐詩卷二百六十三

嚴維

嚴維字正文越州山陰人至德二載進士擢辭藻宏麗  
科調諸暨尉辟河南幕府終祕書省校書郎與劉長卿  
善詩一卷

酬耿拾遺題贈

掩扉常自靜驛吏忽傳呼水巷驚馴鳥藜床起病軀顧

身悲欲老戒子力為儒明日公西

一作歸

去煙霞復作徒

酬王侍御西陵渡見寄

前年萬里別昨日一封書郢曲西陵渡秦官使者車柳塘薰晝日花水溢春渠若不嫌雞黍先令掃弊廬

酬劉員外見寄

蘇耽佐郡時近出白雲司藥補清羸疾窗吟絕妙詞柳塘春水慢

一作漫

花塢夕陽遲欲識懷君意明

一作朝

朝訪

櫟師

同韓

一作韋

員外宿雲門寺

小嶺路難近仙郎此夕過潭空觀月定澗靜見雲多竹  
翠煙深鎖松聲雨點和萬緣俱不有對境自垂蘿

酬諸公宿鏡水宅

幸免低頭向府中貴將藜藿與君同陽雁叫霜來枕上  
寒山映月在湖中詩書何德名夫子草木推年長數公  
聞道漢家偏尚少此身一作此訪芝翁

送薛尚書入蜀

一作朝

卑情不敢

一作可

論拜首入

一作手立

轅門列郡諸侯長登朝

八座尊凝笏臨水發行旂向風翻幾許遺黎

一作民

泣同

懷父母恩

送李秘書往儋州

魑魅曾為伍蓬萊近拜郎臣心瞻北闕家事在南荒莎  
草山城小毛洲海驛長玄成知必大寧是泛滄浪

送人入金華

一作贈別  
東陽客

明月雙溪水清

一作春

風八詠樓昔

一作少

年為客處今日

送君遊

送崔峒使往睦州兼寄薛司戶

如今相府用

一作重

英髦獨往南州肯告勞冰水近開漁

浦出雪雲初卷定山高木奴花映

一作發

桐廬縣青雀舟

隨白露濤使者應須訪廉吏府中惟有范功曹

送房元直赴北京

猶道樓蘭十萬師書生疋馬去何之臨歧未斷歸家目

一作日

望月空吟出塞詩常欲激昂論上策不應憔悴老

明時遙知到日逢寒食彩筆長裾會晉祠

荆溪館呈丘義興

失路荆溪上依人

一作仁

忽瞑投長橋今夜月陽羨古時

州野燒明山郭寒更出縣樓先生能館我無事五湖遊

一公新泉

一作題靈一上人院新泉

山下新泉出泠泠北去

一作此法

源落池纔有響噴

一作清又作濺

石未成痕獨映孤松色殊分衆鳥喧唯當清夜月

一作月夜

觀此啓

一作定

禪門

奉試水精環

一本無奉  
試二字

王室符長慶環中得水精  
任圓循不極見素質仍貞信  
是天然瑞非因樸斲成無瑕  
勝玉美至潔過冰清未肯  
齊珉價寧同雜佩聲能銜任  
黃雀亦欲應時明

一作  
鳴

自雲陽歸晚泊陸澧宅

天陰行易晚前路故人居  
孤棹所思久寒林相見初閒  
燈忘夜永清漏任更疎

一作  
餘

明發還須去離家幾歲

一作

歲除

九日陪崔郎中北山讌

上客南臺至重陽此會文菊芳寒露洗杯翠

一作  
桐葉

夕陽

曠務簡人同醉溪間鳥自羣府中官最小唯有孟參軍

留別鄒紹劉長卿

中年從一尉自笑此身非道在甘微祿時難

一作  
輕

耻息

機晨趨本郡府晝掩故山扉待見干戈畢何妨更採薇

書情獻相公

一本獻下  
有劉字

年來白髮欲星星誤却生涯是一經魏闕望中

一作  
來何

日見商歌奏罷復誰聽孤根獨棄慙山木弱質一作植無  
成狀水萍今日更須詢哲匠不應休去老巖扃

贈送朱放

昔年居漢水日醉習家池道勝迹常在名高身不知欲

一作久依天目住新自始寧移生事曾無長惟將白接羅

剡中贈張卿侍御

辟疆年正少公子貴初還早列月一作何卿位新參柱史

班千夫馳驛道駟馬入家山深巷烏衣盛高閒畫戟閒

逶迤天樂下照耀剡溪間自賤遊章句空為衰草顏

贈萬經

萬公長慢世昨日

一作夜

又隳官縱酒真彭澤論詩得建

安家山伯禹穴別墅小

一作少

長干輒有時人至窗前白

眼看

書情上李蘇州

一本州下有大夫二字

東土苗人尚有殘皇皇亞相出朝端手持國憲羣僚畏

口喻天慈百姓安禮數自憐今日絕風流

一作塵

空計往

年歡誤著青袍將十載忍令

一作來

漁浦却垂竿

餘姚祗役奉簡鮑參軍

童年獻賦在皇州方寸思量君與侯  
萬事無成新白首兩春虛擲對滄流  
歌詩盛賦文星動簫管新亭晦日遊  
知己欲依何水部鄉人今正賤東丘

奉和獨孤中丞遊雲門寺

絕壑開花界耶溪極上源光輝三獨

一作石

坐登陟五雲

門深木鳴騶馭晴山曜武賁亂泉觀坐卧疎磬發朝昏

蒼翠新秋色莓苔積雨痕上方看度鳥後夜聽吟猿異  
跡焚香對新詩酌茗論歸來還撫俗諸老莫攀轅

奉和皇甫大夫夏日遊花嚴一作寺時大夫昆  
季同行

初第一作地華嚴一作花嚴會王家少長行到宮龍節駐禮塔

雁行成蓮界千峰靜梅天一雨清禪庭未可戀聖主寄  
蒼生

宿法華寺

一夕雨沈沈哀猿萬木陰一作吟天龍來護法長老密看

心魚梵空山靜紗燈古殿深無生久已學白髮浪相侵

題茅山李尊師所居

天師百歲少如童不到山中更不逢洗藥每臨新瀑水  
步虛時遶最高峯籬根五月留殘雪座右千年蔭古松  
此去人寰知近遠迴看路隔一重重

送薛居士和州讀書

孤雲獨鶴共悠悠萬卷經書一葉舟楚地巢城民舍少  
煙村社樹鷺湖秋蒿萊織妾晨炊黍隅一作落耕童夕

放牛年少不應辭苦節諸生若遇亦封侯

憶長安

共十二詠丘丹等同賦各見本集

憶長安五月時君王避暑華池進膳甘瓜朱李續命芳  
蘭綵絲競處高明臺榭槐陰柳色通遠

狀江南

江南春季天萼葉細如絃池邊草作逕湖上葉如船

遊灞陵山

入山未盡意勝跡聊獨尋方士去在昔藥堂留至今四

隔白雲間一路清溪深芳秀愜春目高閒宜遠心潭分  
化丹水路達一作出昇仙林此道人不悟坐鳴松下琴

入唐溪

嘯終萬籟起吹去當溪雲環嶼或明昧遠峯尚氛氲雨  
新翠葉發夜早玄象分金澗流不盡入山深更聞

送桃巖成上人歸本寺

長老歸緣起桃花憶舊巖清晨雲抱石深夜月籠杉道  
具門人捧齋糧谷鳥銜餘生願依止文字欲三緘

酬普選二上人期相會見寄

本意宿東林因聽子賤琴遙知大小朗

傳燈錄惠朗禪師號大朗振朗

禪師號小朗

已斷去來心夜靜溪聲近庭寒月色深寧知塵

外意定後便成吟

相里使君宅聽澄上人吹小管

秦僧吹竹閉秋城早在梨園稱主情今夕襄陽山太守  
座中流淚聽商聲

贈別至弘上人

最稱弘偃少早歲草茆居年老從僧律生知解佛書衲  
衣求壞帛野飯拾春蔬章句無求斷時一作詩中學有餘

奉和劉祭酒傷白馬

此馬勅賜寧王轉贈祭酒

沛艾如龍馬來從上苑中棣華恩見賜伯舅禮仍崇鏡  
點黃金眼花開白雪駿性柔君子德足逸大王風色照  
鳴珂靜聲連噴玉雄食場恩未盡過隙命旋終練影依  
雲沒銀鞍向月空仍聞樂府唱猶一作應念代勞功

哭靈一上人

一公何不住空有遠公名共說岑山路今時不可行舊  
房松更老新塔草初生經論傳緇侶文章遍墨卿禪林  
枝幹折法宇棟梁傾誰復修僧史應知傳已成

一本無後四句

題鮑行軍小閣

宇下無留事經營意獨新文房已得地相閣是推輪席  
上招賢急山陰對雪頻虛明先旦暮啓閉異冬春談笑  
兵家法逢迎幕府賓還將負暄處時借在陰人

陪皇甫大夫謁禹廟

竹使羞殷薦松龕拜夏祠為魚歌德

一作致美

後舞羽降神

時文

一作仗

衛瞻如在精靈信有期夕陽陪醉止塘上鳥

咸遲

同王徵君湘中有懷

一作張謂詩

八月洞庭秋瀟湘水北流還家萬里夢為客五更愁不用看書帙偏宜上酒樓故人京洛滿何日復同遊

奉和皇甫大夫祈雨應時雨降

致和知必感歲旱未書災伯禹明靈降元戎禱請來九

成陳夏樂三獻奉殷壘制字由旗交電鏗鏘鼓應雷行雲  
依蓋轉飛雨逐車回欲識皇天意為霖貺在哉

贈別劉長卿時赴河南嚴中丞幕府

早見登郎署同時跡

一作即

下僚幾年江路永今去國門

遙文變騷人體官移漢帝朝望山吟度日接枕話通宵

萬里趨公府孤帆恨

一作限

信潮匡

一作康

時知己老聖代

耻逃堯

晦日宴遊

晦日湔裾俗春樓致酒時出山還已醉謝客舊能詩溪  
柳薰晴淺巖花待閨遲為邦久無事比屋自熙熙

夏日納涼

山陰過野客鏡裏接仙郎盥漱臨寒水褰闌入夏堂杉  
松交日影枕簟上湖光袞袞承嘉話清風納晚涼

僧房避暑

支公好閒寂庭宇愛林篁幽曠無煩暑恬和不可量蕙  
風清水殿荷氣雜天香明月談空坐怡然道術忘

九日登高

詩家九日憐芳菊遲客高齋瞰浙江漢

一作漁

浦浪花搖

素壁西陵樹色入秋

一作雲

窗木奴向熟懸金實桑落新

開瀉玉缸四子醉時爭講德笑論黃霸屈為邦

九月十日即事

家貧惟種竹時幸故人看菊度重陽少林經閏月寒宿  
醒猶落帽華髮強扶冠美景良難得今朝更盡歡

送丘為下第歸蘇州

滄江一身客獻賦空十年明主豈能好今人誰舉賢國  
門稅征駕旅食謀歸旋曠日媚春水綠蘋香客船無媒  
既不達余亦思歸田

送少微上人東南遊

舊遊多不見師在翟公門瘴海空山熱雷州白日昏片  
心應為法萬里獨無人盡酬恩去平生未感恩

贈送崔子向

一本無  
贈字

旅食來江上求名赴洛陽新詩蹤謝守內學似支郎行

怯秦為客心依越是鄉何人作知己送爾淚浪浪

答劉長卿七里瀨重送

新安非欲

一作故

枉帆過海內如君有幾何醉裏別時秋

水色老人南望一狂歌

歲初喜皇甫侍御至

湖上新正逢故人情深應不笑家貧明朝別後門還掩

脩竹千竿一老身

一作人

送舍弟

疎懶吾成性才華爾自彊  
早稱眉最白何事綬仍黃  
時暑嗟于邁家貧念聚糧  
祇應宵夢裏詩興屬池塘

示外生

牽役非吾好寬情爾在傍  
經過悲井邑起坐倦舟航  
相宅生應貴逢時學可強  
無輕吾未用世事有行藏

詠孩子

嘉客會初筵宜時魄再圓  
衆皆含笑戲誰不點頤憐  
繡被花堪摘羅縵色欲妍  
將鵝有舊曲還入武城弦

酬謝侍御喜王宇及第見賀不遇之作

寂寞柴門掩經過柱史榮老夫寧有力半子自成名柳  
映三橋發花連上道明緘書到別墅郢曲果先成

秋日與諸公文會天

缺一字

寺

相訪從吾道因緣會爾時龍盤餘帝宅花界古人祠明  
月虛空色青林大小枝還將經濟學來問道安師

答劉長卿蛇浦橋月下重送

月色今宵最明庭閒夜久天清寂莫

一作愁盡

多年老

一作左

宦慙遠別深情溪臨修竹煙色風落高梧雨聲耿耿  
相看不寐遙聞曉柝山城

發桐廬寄劉員外

處處雲山無盡時桐廬南望轉參差舟人莫道新安近  
欲上潺湲行自遲

秋夜船行

扁舟時屬暝月上有餘輝海鷺秋還去漁人夜不歸中  
流何寂寂孤棹也依依一點前村火誰家未掩扉

重送新安劉員外

秋江渺渺水空波，越客孤舟欲榜歌。  
手折衰楊悲老大，故人零落已無多。

句

五色驚綵鳳，千里象驄威。

張侍御孩

三伏軒車動堯心

急諫官名通內籍，貴立近御牀寒。

送皇甫拾遺歸朝

波從少

海息雲自大風開

代宗輓歌並詩式

御定全唐詩卷二百六十三

欽定四庫全書

御定全唐詩卷二百六十四

顧況

顧況字逋翁海鹽人肅宗至德進士長於歌詩性好恢諧嘗為韓滉節度判官與柳渾李泌善渾輔政以校書徵泌為相稍遷著作郎悒悒不樂求歸坐詩語調謔貶饒州司戶參軍後隱茅山以壽終集二十卷今編詩四卷

琴歌

琴調秋些胡風遶雪峽泉聲咽佳人愁些

上古之什補亡訓傳十三章

上古一章

上古愍農也

遐哉上古生棄與柱勾龍是生

一作氏主

乃有甫田惟彼甫

田有萬斯年開利之源無乃塞源一廛亦官百廛亦官

嗇夫孔艱浸兮暎兮申有螽兮惟馨祀是惠豈止餒與

寒嗇夫咨咨穠盛苗衰耕之耨之襁褓鋤犁手胼足胝  
水之蛭螾吮喋我肌我姑自思胡不奮飛東人利百西  
人利百有匪我心胡為不易河水活活萬人逐末俾爾  
之愉悅兮

左車二章

左車憑險也震為雷兄長之左東方之師也憑險  
不已君子憂心而作是詩

左車有慶萬人猶病曷可去之于黨孔盛敏爾之生胡

為波迸

左車有赫萬人毒螫曷可去之于黨孔碩敏爾之生胡  
為草戚

築城二章

築城刺臨戎也寺人臨戎以墓塼為城壁

築城登登于以作固咨爾寺兮發郊外冢墓死而無知  
猶或不可若其有知惟上帝是愬

築城奕奕于以固敵咨爾寺兮發郊外冢壁死而無知

猶或不可若其有知惟上帝是謫

持斧一章

持斧啟戎士也戎士伐松柏為蒸薪孝子徘徊而作是詩

持斧持斧無翦我松柏兮

一本有柏下之土藏吾親之體魄兮二句

十月之郊一章

十月之郊造公

一作宮

室也君子居公

一作宮

室當思

布德行化焉

十月之郊羣木肇生陽潛地中舒達勾萌暄其蔚兮不  
可以遊息乃爍蒺藜乃夷荊棘乃繇彼曲直匠氏度思  
登斧以時澤梁蓁蓁無或夭枝有巨根蒂生混茫際呼  
吸羣籟萬人揮斤坎坎有厲陸遷水濟百一作萬力殫弊

審方面勢姑博其製作為公

一作宮

室公

一作宮

室既成禦

燥濕風日棟之斯厚椽之斯密如翼于飛如鱗櫛比繚  
以周墉城以崇階俯而望之矗與雲齊礪硤硤藻井  
旋題丹素之煥兮椒桂之馥兮高閣高閣珠綴結絡金

鋪爛若不集于鳥雀繪事告畢賓筵秩秩乃命旨酒

一本

有乃鼓  
二字

琴瑟琴瑟在堂莫不靜謐周環掩闥仰不漏日

冬日嚴凝言納其陽和風載昇夏日鬱蒸言用于陰涼  
風颯興有匪君子自賢不已乃夢乘舟乃夢乘車夢人  
占之更爽其居炎炎則移皎皎則虧木實之繁兮明年  
息枝爰處若思胡寧不爾思

### 燕于巢一章

燕于巢審日辰也燕不以甲乙銜泥

燕燕于巢綴葺維戊甲兮乙兮不宜有謬飛龍在天雲  
掩于斗曷日于雨乃曰庚午彼日之差亦孔斯醜昔在  
義和湏淫不修我筮我龜莫我告繇肩迺征之彛倫九  
疇君子授律是禡是禴三五不備罔克攸遂惠此蒸人  
毋廢爾事爾莫我從維來者是冀

蘇方一章

蘇方諷商胡舶舟運蘇方歲發扶南林邑至齊國  
立盡

蘇方之赤在胡之舶其利乃博我土曠兮我居闡兮我  
衣不白兮朱紫爛兮傳瑞疇兮相唐虞之維百兮

陵霜之華一章

陵霜之華傷不實也

陵霜之華我心憂嗟陰之勝矣而陽不加埶軋陶

一作大

鈞乃帝乃神乃舒乃屯烈烈嚴秋熙熙陽春職生有倫  
今華發非其辰辰屬東方之仁遐想三五黃帝登雲堯  
年百餘二儀分位六氣不渝二景如璧五星如珠陵霜

之華兮何不妄敷

圉一章

圉哀閩也

圉音塞閩俗呼子為圉父為郎罷

圉生閩方閩吏得之乃絕其陽為臧為獲致金滿屋為  
髡為鉗如視草木天道無知我懼其毒神道無知彼受  
其福郎罷別圉吾悔生汝及汝既生人勸不舉不從人  
言果獲是苦圉別郎罷心摧血下隔地絕天及至黃泉  
不得在郎罷前

我行自東一章

我行自東不遑居也

我行自東山海其空旅棘有叢我行自西壘與雲齊雨  
雪淒淒我行自南烈火滿林日中無禽霧雨淫淫我行  
自北燭龍寡色何枉不直我憂京京何道不行兮

採蠟一章

採蠟怨奢也荒巖之間有以纒蒙其身腰藤造險  
及有羣蜂肆毒哀呼不應則上捨藤而下沈

一本有之

字  
壑

採採者蠟于泉谷兮煌煌中堂烈華燭兮新歌善舞弦  
柱促兮荒巖之人自取其毒兮

棄婦詞

李白集中亦有之元人蕭士贊謂此篇顧況棄婦詞也後人添增數句竄入太

白集  
中

古人雖

一作有

棄婦棄婦有歸處今日妾辭君辭君欲何

一作遣  
妾何處

去本

一作舊

家零落盡慟哭來時路憶昔未嫁君

聞君甚周旋及與同結髮值君適幽燕孤魂託飛鳥兩

眼如流泉

以上四句一作綺羅錦繡段有贈黃金千十

山川家家盡歡樂賤妾空自憐幽閨多沈思盛事無十年相思若循環枕席生流泉流泉咽不燥

萬里

一作獨夢

關山道及至

一作此

見君歸君歸妾已老物情

棄

一作華惡

衰歇新寵方妍好找

一作掩

淚出故房傷心劇秋

草

此下一本有自妾為君妻君東妾在西羅帷到曉恨玉貌一生啼妾有嫁時服輕雲淡翠霞瑠璃作斗帳

四角金蓮花自從離別後不覺塵埃厚常嫵我瑣孤獨恨梧桐偶玉顏逐霜霰賤妾何能守寒沼落芙蓉秋風

散楊柳

妾以

一作以此

憔悴捐

一作願

羞將

一作空持

舊物還餘生

欲有

一作亦何

寄誰肯相留連

一作牽攀

空牀對虛牖不覺塵埃

厚寒水芙蓉花秋風墮楊柳

以上四句一作君恩既斷絕相見何年月悔傾連理

杯虛作同心結女蘿附青松貴在相依投浮萍共綠水教作若為流不念君棄妾自歎妾緣薄

記得一作

憶昔初嫁君小姑始

一作纔

扶牀今日君棄妾

一作妾辭君

小姑

如妾長回頭語小姑莫嫁如兄夫

遊子吟

故櫪思疲馬故窠思迷禽浮雲蔽我鄉躑躅遊子吟遊

子悲久滯浮雲鬱東岑客堂無絲桐落葉如秋霖  
黯哉

遠遊子所以悲滯淫一為浮雲詞憤塞誰能禁  
馳歸

一作

暉

百年內唯願展所欽胡為不歸歟坐使年病侵未老

霜遶鬢非狂火燒心太行何難哉北斗不可斟夜靜星

河出耿耿辰與參佳人覓青天尺素重於金沈寥羣動

異眇默諸境森苔衣上閒階蟋蟀

一作  
靖蛸

催寒碇立身計

幾悞道險無容針三年不還家萬里遺錦衾夢魂無重

阻離憂罔

一作  
因

古今胡為不歸歟

一作  
孤

負匣中琴腰

下是何物牽纏曠登尋朝與名山期夕宿楚水陰楚水  
殊演漾名山窅嶮客從洞庭來婉孌瀟湘深橘柚在

南國鴻雁遺秋音下有碧草洲上有青橋林引燭窺洞  
六凌波睥天琛蒲荷影參差鳬鶴雛淋滲浩歌惜芳杜  
散髮輕華簪胡為不歸歟淚下沾衣襟鳶飛戾霄漢螻  
蟻制鱣鱣赫赫大聖朝日月光照臨聖主雖啓迪奇一作  
吾人分湮沈層城登一作發雲韶王一作玉府銷球琳鹿鳴  
志豐草況復虞人箴

擬古三首

第一首一作  
長安古意

龍劍昔藏影送雄留其雌人生阻歡會神物亦別離碧

樹感秋落佳人無還期夜琴為君咽浮雲為君滋愛而

傷不見星漢

一作使星

徒參差

幽居盼天造胡息運行機春葩妍既榮秋葉瘁以飛湍  
滔川之逝日沒月光輝所貴法乾健于道悟入微任彼  
聲勢徒得志方誇毗

浮生果何慕老去羨介推陶令何足錄彭澤歸已遲空  
負漉酒巾乞食形諸詩吾惟抱貞素悠悠白雲期

傷子

老夫哭

一作喪

愛子日暮千行血聲逐斷猿悲跡

一作路

隨

飛鳥滅老夫已七十不作多時別

春遊曲

二首一作一首

遊童蘇合帶倡女蒲葵扇初日映城時相思忽相見褰裳踏露草理鬢回花面薄暮不同歸留情此芳甸

柘彈連錢馬銀鈎妥墮鬟採桑春陌上踏草夕陽間意合詞先露心誠貌却閒明朝若相憶雲雨出巫山

從軍行二首

弭節結徒侶速征赴龍城單于近突圍烽燧屢夜驚長  
弓挽滿月劍華霜雪明遠道百草殞峭覺寒風生風寒  
欲砭肌爭奈裘襖輕回首家不見候雁空中鳴笳奏還  
以哀肅肅趣嚴程寄語塞外胡擁騎休橫行

少年膽氣鹿好勇萬人敵仗劍出門去三邊正艱厄怒  
目時一呼萬騎皆辟易殺人蓬麻輕走馬汗血滴醜虜  
何足清天山坐寧謐不有封侯相徒負幽并客

塞上曲

點虜初南下塵飛塞北境漢將懷不平讐擾當遠屏金  
革卧不暖起舞霜月冷點軍三十千一作年部伍嚴以整  
酣戰祈成功于焉罷邊釁

弋陽溪中望仙人城

何草乏靈姿無山不孤絕我行雖云寒偶勝聊換節上  
界浮中流光響洞明滅晚一作曉禽曝霜羽寒魚依石髮  
自有無還心隔波望松雪

嚴公釣臺作

靈芝產遐方威鳳家

一作駕

重霄巖生何耿潔託志肩夷

巢漢后雖則貴子陵不知高糠粃當世道長揖夔龍朝  
掃門彼何人升降不同朝捨舟遂長往山谷多清飈

蕭寺偃松

淒淒百卉病亭亭雙松迥直上古寺深橫拂秋殿冷輕

響入龜目

一作息

片陰栖鶴頂山中多好樹可憐無比並

獨遊青龍寺

春風入香剎暇日獨游行曠然蓮花臺作禮月光面乘

茲第八識出彼超二見擺落區中緣無邊廣弘願長廊

朝雨畢古木時禽嘒積翠暖遙原雜

一作離

英紛似霰鳳

城騰日窟龍首橫天堰蟻步避危階蠅飛響深殿大通  
智勝佛幾刳道場現

初秋蓮塘歸

秋光淨無跡蓮消錦雲紅只有溪上山還識揚舠翁如  
何白蘋花幽渚笑涼風

從江西至彭蠡入浙西淮南界道中寄齊相公

大賢舊丞相作鎮江山

一作上

雄自鎮江山

一作上

來何人

得如公處士待徐孺仙人期葛洪一身控上遊八郡趨

下風比屋除畏溺林塘曳煙虹生人罷虔劉并稅均且

一作以

充大府肅無事歡然

一作言

接悲翁心清百丈泉目

送孤飛鴻數年鄱陽掾抱責栖微躬首陽及汨羅無乃

徧其衷楊朱并阮籍未免哀途窮四賢雖得仁此怨何

忽忽老氏齊寵辱於陵一窮通本師留度門平等寬親

同能依二諦法了達三輪空真境靡方所出離内外中

無邊盡未來定惠

一作慧

雙修功蹇步慙寸進飾裝隨轉

蓬朝行楚水陰夕宿吳洲東吳洲復

一作覆

白雲楚水飄

丹楓晚霞燒迴潮千里光瞳瞳  
蕓開海上影桂吐淮南

叢何當翼明庭草木生春

一作昭融

寄上兵部韓侍郎奉呈李戶部盧刑部杜三侍

郎

道路五千里門闌三十年當時攜手人今日無半全詠

題官舍內賦韻僧房前公登略約橋況傍龍

一作曉

舸船

遠寺吐朱閣春潮浮綠煙鵷鴻翔鄧林沙鵲飛吳田諸  
子紛出祖中宵久留連坐客三千人皆稱主人賢國士  
分如此家臣亦依然身在一作從薜蘿中頭刺文案邊故  
吏已重疊門生從聯翩得罪為何名無階問皇天出門  
多岐路命駕無由緣伏承諸侍郎顧念猶述遭聖代逢  
三宥營魂空九遷

長安竇明府後亭

君為長安令我美長安政五日一朝天南山對明鏡鳥

飛青苔院水木相輝映客至南雲

一作薰

鄉絲桐展歌詠

吏人何蕭蕭

一作肅肅

終歲無喧競欲識明府賢邑中多百

姓

謝王郎中見贈琴鶴

此琴等焦尾此鶴方胎生赴節何徘徊理感物自并獨立江海上一彈天地清朱絃動瑤華白羽飄玉京因想

羨門輩眇然四體輕子喬翔鄧林王母遊層城忽如一

一作作

然

啓靈署鸞鳳相和

一作呼

鳴何由玉女牀

一作女牀山

去食

琅玕英

和翰林吳舍人兄弟西齋

君家誠易知易知復難同新裁尺一詔早入明光宮西

齋何其高

一作遠

上與星漢通永懷洞庭石春色相玲瓏

久懷巴峽泉夜落君絲桐信是怡神所迢迢葳華嵩鳥  
飛晴雲滅疊嶂盤虛空君家誠易知易知意難窮

望初月簡于吏部

沈寥中秋夜坐見如鉤月始從西南升又欲西南沒全

移河上影暫透林間缺縱待三五時終為千里別

上湖至破山贈文周蕭元植

一別二十年依依過故轍湖上非往態夢想頻虛結二  
子伴我行我行感祖節後人應不識前事寒泉咽一別  
二十年人堪幾回別

酬信州劉侍郎兄

劉兄本知命屈伸不介懷南州管靈山可惜曠土棲

一作

士樵隱同一徑竹樹薄西齋鳥陵嶂合沓月配波

一作

徘徊薄宦修禮數長景謝譚諧願為南州民輸稅事鉅  
犁胡為走不止風雨驚遭迴

奉酬劉侍郎

幾迴新秋影壁

當作壁

滿蟾又缺鏡破似

一作自

傾臺輪斜

同覆轍雖分上林桂還照滄洲雪暫伴顛顚人歸華耿  
不滅

酬本部韋左司

一題作奉和同郎中韋使君郡齋雨中宴集

時況左遷饒州

好鳥依佳樹飛雨灑高城況與二三

一作數君

子列坐分兩

楹文雅一何盛

一作麗

林塘含餘清府君

一作我公

未歸朝遊

子不待晴白雲帝城遠滄江楓葉鳴却略欲一言

一作拜手

欲無言

零淚和酒傾寸心久

一作已

摧折別離重

一作方

骨驚

安得凌風

一作霜

翰肅肅賓天京

### 酬房杭州

郡樓何其曠亭亭廣而深故人牧餘杭留我披胸衿滿

篋閱新作璧玉誕清音流水入洞天宵豁欲

一作相

凌臨

闕險延北阜難道陟南岑朝從山寺還醒醉動笑

一作愁

吟荷花十餘里月色攢湖林父老惜使君却欲速華簪

酬漳州張九使君

故人窮越徼狂生起悲愁山海萬里別草木十年秋鞭  
馬廣陵橋出祖張漳州促膝隨珥闢幌憂琳球短題  
自茲簡華篇詎能酬無階承明庭高步相追遊南方榮  
桂枝凌冬捨溫裘猿吟郡齋中龍靜檀欒流薜一作薛鹿

莫徭洞網魚盧亭洲

一作舟

心安處處安處處思遐陬

在滁苦雨歸桃花淹傷親友畧盡

廢棄忝殘生後來亦先天詩人感風雨長夜何時曉去  
國官情無近鄉歸夢少底身絕中授甘靜忘外擾麗景  
變重陰洞山空木表靈潮若可通寄謝西飛鳥

苦雨

一本題下有思  
歸桃花嶺五字

朝與佳人期碧樹生紅萼暮與佳人期飛雨灑清閣佳  
人宿何許中夜心寂寞試憶花正開復驚葉初落行騎  
飛泉鹿卧聽雙海鶴嘉願有所從安得處其薄

贈別崔十三長官

真玉燒不熱寶劍折不折欲別崔俠心崔俠心如鐵復  
如金剛鎖無有功不徹仍於直道中行事不詆訐崔俠  
兩兄弟垂範繼芳烈相識三十年致書字不減我來宣  
城郡飲水仰清潔藹藹北阜松我我南山雪顧生歸山  
去知作幾年別

哭從兄萇

洞庭違鄂渚嫋嫋秋風時何人不客遊獨與帝子期黃  
鵠鍛飛翅青雲歎沈姿身終一騎曹高蓋者為誰從駕

至梁漢金根復京師皇恩溢九垓不記屠沽兒立身有  
高節滿卷多好詩赫赫承明庭羣公默無詞草木正搖  
落哭兄鄱水湄共居雲陽里輶軻多別離人生倏忽間  
旅櫬飄若遺稚子新學拜枯楊生一枝一本無此四句人生倏  
忽間精爽無不之舊國數千里家人由未知人生倏忽  
間安用才士為

華山西岡遊贈隱玄叟

羣峰鬱初霽潑黛若鬟沐失風鼓哈呀搖撼千灌木木

葉微隨黃石泉淨傳綠危磴蘿薜牽迥步入幽谷我心  
寄青霞世事慚蒼鹿遂令巢許輩于焉謝塵俗想是悠  
悠雲可契去留躅

歸陽蕭寺有丁行者能修無生忍擔水施僧況  
歸命稽首作詩

化佛示持帚仲尼稱執鞭列生御風歸飼豕如人馬曹  
溪第六祖踏碓逾三年伊人自何方長綬趨遙泉開士  
行何苦雙瓶胝兩肩蕭寺百餘僧東厨正揚煙露足沙

石裂外形巾褐穿若其有此身豈得安穩眠獨出違順

境不為寒暑還大聖於其

一作空

中領我心之虔萬法常

空滅無生因忍全一國一釋迦一燈分百千永願遺世

知

一作智

現身彌勒前潛容偏虛空靈響不可傳智慧舍

利佛

一作弗

神通自乾

一作目捷

連阿若憍陳如迦葉迦旃

一作

檀

延左右二菩薩文殊并普賢身披六銖衣億劫為大

僊寶塔寶樓閣重簷交梵天譬如一明珠共贊光白圓

天魔波旬等降伏金剛堅野叉羅刹鬼亦赦塵垢纏乃


致金翅鳥吞龍護洪淵一十一衆中身意皆快然八河  
注大海中有楞伽船佛法付國王平等無頗偏天子事  
端拱大臣行其權玉堂無蠅飛五月冰凜筵盡力答明  
主猶自招罪愆九族無白身百花動一作洞嬋娟神聖惡  
如此物華不能妍祿山一微胡驅馬來自燕宛彼宮闕  
麗如何犬羊羶苦哉千萬人流血成丹川此輩一作賊之  
死後鑊湯所熬煎業風吹其魂猛火燒其煙獨有丁行  
者無憂樹枝邊市頭盲老人長者乞一錢輒照多密用

為君吟此篇

大茅嶺東新居憶亡子從真

谷鳥猶呼兒山人夕霑襟懷哉隔生死悵矣徒登臨東  
門憂不入西河遇亦深古來失中道偶向經中尋大象  
無停輪倏忽成古今其天非不幸鍊形由太陰凡欲攀  
雲階譬如火鑄金虛室留舊札洞房掩閒琴泉源登方  
諸上有空青林彷彿通寤寐蕭寥邈微音軟草被汀洲  
鮮雲畧浮沈潁景宣疊麗紺波響飄淋石窟含雲巢迢

迢取南岑悲恨自茲斷情塵詎能侵真靜一時變坐起  
唯從心



御定全唐詩卷二百六十四

欽定四庫全書

集部

御定全唐詩卷二百六十五至  
七

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣周元濬

欽定四庫全書

御定全唐詩卷二百六十五

顧況

烏啼曲二首

玉房掣鎖聲翻葉銀箭添泉遶霜

一作霜遶

堞畢逋撥刺月

一作日

銜城八九雛飛其母驚此是天上老鵝鳴人間

一作

我老鵝無此聲搖風雜佩耿華燭夜聽羽人彈此曲東

方瞳瞳

一作曜

赤日旭

月出江林西江林寂寂城鷄啼昔人何處為此曲今人  
何處聽不足城寒月曉馳思深江上青草為誰綠

幽居弄

苔衣生花

一本疊  
花字

露滴月入西林蕩東壁扣商占角兩

三聲洞戶谿

一作  
深

窗一冥寂獨去滄洲無四鄰身嬰世

網此何身關情命曲寄惆悵久別山南山裏人

公子行

輕薄兒面

一作  
白

如玉紫陌春風纏馬足雙鞵懸金縷鵲

飛長衫刺雪生犀束綠槐夾道陰初成珊瑚幾節敲流  
星紅肌拂拂酒光凝一作疑當街背拉金吾行朝遊鼓鼙  
鼓聲發暮遊鼙鼙鼓聲絕入門不肯自升堂美人扶踏  
金階月

古離別

西江上風動麻姑嫁時浪西山為水水為塵不是人間  
離別人

長安道

長安道人無衣馬無草何不歸來山中老

龍宮操

并序

顧況曰壬子癸丑二年大水時在滁遂作此操蓋  
大厯中也

龍宮月明光參差精衛銜石東飛時  
鮫人織綃採藕絲  
翻江倒海一作漢傾吳蜀漢女江妃杳相續  
龍王宮中水不足

梁廣畫花歌

王母欲過劉徹家飛瓊夜入雲輶車紫書分付與青鳥  
却向人間求好花上元夫人最小女頭面端正能言語  
手把梁生畫花看凝嚙掩笑心相許心相許為白阿嬾  
從嫁與

送別日晚歌

一本題上無  
送別二字

日窅窅

一作  
溟溟

今下山望佳人兮不還花落兮屋上草生

兮堦間

一作  
前

日日兮春風芳菲兮欲歇

一作  
滅

老不可兮

更少君何為兮輕別

行路難三首

本集止有前二首英華  
第三首居前合為一首

君不見擔雪塞井空

一作徒

用力炊砂作飯豈堪食

一作契

一生肝膽向人盡相識不如不相識冬青樹上挂凌霄

歲晏花凋樹不凋凡物各自有根本種禾終不生豈苗

行路難行路難

一本有不  
知二字

何處是平道中心無事當富

貴今日看

一作覺

君顏色好

君不見少年頭上如雲髮少壯如雲老如雪豈知濯頂  
有醍醐能使清涼頭不熱呂梁之水挂飛流鼃鼃蛟蜃

不敢遊少年恃險若平地獨倚長劍凌清秋行路難行

路難昔

一本有日字

少年今已老

一本有炫日春光不長好一句

前朝竹帛

事皆空日暮牛羊占

一作古

城草

君不見古人

一作來

燒水銀變作北邙山上塵藕絲掛在

虛空中

一作掛山在虛空一作掛身在虛空

欲落不落愁殺人睂水英雄

多血刃建章宮闕成煨

一作灰

燼淮王身死桂樹

一作枝

折

徐福

一作市

一去音書絕行路難行路難生死

一本有有命二字

皆由天秦皇漢武遭不脫汝獨何人學神仙

悲歌 有序

情思發動聖賢所不免也故師乙陳其宜延陵審  
其音理亂之所經王化之所興信無逃於聲教豈  
徒文彩之麗耶遂作歌以悲之

邊城路今人犁田昔人墓岸上沙昔日

一作時

江水今人

家今人昔人共長歎四氣相催節迴換明月皎皎入華

池白雲離離渡霄

一作青

漢

二

一作悲歌一作短歌行此  
首才調集分二首各四句

我欲昇天天隔霄我欲渡水水無橋我欲上山山路險  
我欲汲井井泉遙越人翠被今何夕獨立沙邊江草碧  
紫燕西飛欲寄書白雲何處逢來

一作蓬萊客以上二首一本合作一首

三

以下三首一本合為一首題作遠思曲

新繫青絲百尺繩心在君家轆轤上我心皎潔君不知  
轆轤一轉一惆悵

四

何處春風吹曉幕江南潒水通朱閣美人二八面如花

泣向春

一作東

風畏花落

五

臨春風聽春鳥別時多見時少愁人夜永

一作一夜

不得眠

瑤井玉繩相對曉

六

一作攀龍引

軒轅黃帝初得仙鼎湖一去三千年周流三十六洞天

洞中日月星辰聯騎龍駕景遊八極軒轅弓劍無人識

東海青童寄消息

本集自臨春風至軒轅以下為一首列之第三篇文苑所載多脫畧今從

文粹及集  
本添八

春草謠

春草不解行隨人上東

一作空

城正月二月色綿綿千里

萬里傷人情

苔蘚山歌

野人夜夢江南山江南山深松桂閒野人覺後長歎息  
帖蘚黏苔作山色閉門無事任盈虛終日欹眠觀四如  
一如白雲飛出壁二如飛雨巖前滴三如騰虎欲咆哮

四如嬾龍遭霹靂嶮峭嵌空潭洞寒小兒兩手扶欄干

同裴觀察東湖望山歌

浴鮮積翠栖靈異石洞花宮橫半空

胡震亨云每句上四言下三言各為

韻

夜光潭上明星啓風雨壇邊樹如洗水淹徐孺宅恒

乾繩墜洪崖井無底主人載酒東

一作春

湖陰遙望西山

三四岑

八月五日歌

四月八日明星出摩耶夫人降前

一作千

佛八月五日佳

氣新昭成太后生聖人開元九年燕公說奉詔聽置千  
秋節丹青廟裏貯姚宋花萼樓中宴岐薛清樂靈香幾  
處聞鸞歌鳳吹動祥雲已於武庫見靈鳥仍向晉山逢  
老君率土普天無不樂河清海晏窮寥廓黎園弟子傳  
法曲張果先生進仙藥玉座淒涼遊帝京悲翁迴首望  
感一作承明雲韶九奏杳然遠唯有五陵松柏聲

露青竹杖

一作鞭

歌

鮮于仲通正當年章仇兼瓊在蜀川約束蜀兒採馬鞭

蜀兒採鞭不敢眠橫截斜飛

一作度

飛鳥邊繩橋夜上層

崖顛頭插白雲跨飛泉採得馬鞭長且堅浮漚丁子珠

聯聯灰煮蠟楷光爛然章仇兼瓊持上天上天雨露何

其偏飛龍閑廐馬數千朝飲吳江夕秣燕紅塵撲轡汗

濕韉師子麒麟聊比肩江面

一作曲江

昆明洗刷牽四蹄踏

浪頭拚天蛟龍稽顙河伯虔拓羯胡雛脚手鮮陳閔韓

幹丹青妍欲貌未貌眼欲穿金鞍玉勒錦連乾騎入桃

花楊柳煙十二樓中奏管絃樓中美人奪神仙爭愛大

家把此鞭祿山入關關破年忽見揚州北邙一作邙前祗

有人還千一錢亭亭筆直無皺節磨將一作將形相一條

鐵市頭格一作終是無人別江海賤臣不拘絀垂窗一作鞘

掛影西窗缺稚子覓衣挑仰穴家童拾薪幾拗折玉潤

猶沾玉壘雪碧鮮似染長弘血蜀帝城一作祠邊子規咽

相如橋上文君絕往年策馬降至尊七盤九折橫劍門

穆王八駿超崑崙安用冉冉孤生根聖人不貴難得貨

金玉珊瑚誰買恩

金璫玉珮歌

贈君金璫太霄之玉珮金鎖禹步之流珠五嶽真君之  
秘籙九天丈人之寶書東井沐浴辰巳畢先進洞房上  
奔日借問君欲何處來黃姑織女機邊出

瑤草春

并序

隴西李迅者納別宅監奴出迅不喜欲訪故人為  
刺史強而配焉既歸而不合監奴投井而死因作  
瑤草春歌以悲之

瑤草春香容與江南豔歌京

一作涼

西舞執心輕子都信

節冠秋胡議以腰支嫁時論自有夫蟬鬢蛾眉明井底

燕裙趙袂

一作帶又作越帶

縈轆轤李生聞之淚如綆不忍回

頭看此井月中桂樹落一枝池上鵲鵲啼孤影露桃穠  
李自成蹊流水終天不向西翠帳綠窗寒寂寂錦茵羅  
薦夜淒淒瑤草春丹井遠別後相思意深淺

蕭鄆草書歌

蕭子草書人不及洞庭葉落秋風急上林花開春露濕

花枝濛濛向水垂

一作泣

見君數行之灑落石上之松松

下鶴若把君書比仲將不知誰在

一作上

凌雲閣

范山人畫山水歌

山崢嶸水泓澄漫漫汗汗一筆耕一草一木棲

一作棲

神

明忽如空中有物物中有聲復如遠道望鄉客夢遶山

川身不行

嵇山道芬上人畫山水歌

鏡中

一作湖

真僧白道芬不服朱審李將軍淖

一作漫

汗

一作

墨汁平鋪洞庭水筆頭點出蒼梧雲且看八月十五夜月

下看山盡如畫

一作畫分

杜秀才畫立走水牛歌

崑崙兒騎白象時時鎖著師子項奚奴跨馬不搭鞍立  
走水牛驚漢官江村小兒好誇騁脚踏牛頭上牛領淺  
草平田擦過時大蟲著一作看鈍幾落井杜生知我戀滄

洲畫作一障張牀頭八十老婆拍手笑妬他織女嫁牽  
牛

梁司馬畫馬歌

畫精神畫筋骨一團旋風瞥滅沒仰秣如上賀蘭山低

頭欲飲長城窟此馬昂然獨此

一作出

羣阿爺是龍飛入

雲黃沙枯磧無寸草一日行過千里道展處把筆欲描

時司馬一駒賽傾倒

丘小府小鼓歌

地盤山鷄

一作鳴

猶可像坎坎砰砰隨手長夜半高樓沈

一作客醉時萬里踏橋亂山響

宜城放琴客歌

并序 柳渾  
封宜城縣伯

琴客宜城愛妾也宜城請老愛妾出嫁不禁人之  
欲而私耳目之娛達者也况承命作歌

佳人玉立生此

一作北

方家住邯鄲不是倡頭髻鬢鬢手

爪長善撫琴瑟有文章新妍

一作研

籠裙雲母光朱絃綠

水喧洞房忽聞斗酒初決絕日暮浮雲古離別巴猿啾  
啾峽泉咽淚落羅衣顏色暈不知誰家更張設絲履墻  
偏釵股折南山闌千千丈雪七十非人不暖熱人情厭

薄

一作消歇

古共然相公心在持事堅上善若水任方圓憶

昨好之今棄捐服藥不如獨自眠從他更嫁一少年

李供奉彈箏篴歌

國府樂手彈箏篴赤黃絛索金鈴頭早晨有敕駕驚殿

夜靜遂

一作逐

歌明月樓起坐可憐能抱撮大指調絃中

指撥腕頭花落舞製

一作衣

裂手下鳥驚飛撥刺珊瑚席

一聲一聲鳴錫錫羅綺屏一絃一絃如撼鈴急彈好遲

亦好宜遠聽宜近聽左手低右手舉易調移音天賜與

大絃似秋雁聯聯度隴關小絃似春燕喃喃向人語手  
頭疾腕頭軟來來去去如風卷聲清泠泠鳴索索垂珠  
碎玉空中落美女爭窺玳瑁簾聖人卷上真珠箔大絃  
長小絃短小絃緊快大絃緩初調鏘鏘似鴛鴦水上弄  
新聲入深似太清仙鶴遊秘館李供奉儀容質身才稍  
稍六尺一在外不曾輒教人內裏聲聲不遣出指剥葱  
腕削玉饒鹽饒醬五味足弄調人間不識名彈盡天下  
崛竒曲胡曲漢曲聲皆好彈着曲髓曲肝腦往往從空

入戶來瞥瞥隨風落春草草頭只覺風吹入風來草即

隨風立草亦不知風到來風亦不知聲緩急熱玉燭點

一作銀燈光照手實可憎只照芙蓉絃上手不照瑩篴

聲裏能馳鳳闕拜鸞殿天子一日一迴見王侯將相立

一作馬迎巧聲一日一迴變實可重不惜千金買一弄

銀器胡瓶馬上馱瑞錦輕羅滿車送此州好手非一國

一國東西盡南北除却天上化下來若向人間實難得

劉禪奴彈琵琶歌

感相國  
韓公夢

樂府只傳橫吹好琵琶寫出關山道羈雁出塞繞黃雲

邊馬仰天嘶白草明妃愁

一作怨

中漢使迴蔡琰愁處胡

笳哀鬼神知妙欲收響陰風切切四面來李陵寄書別

蘇武自有生人無此苦當時若值霍驃姚滅盡烏孫奪

公主

李湖州孺人彈箏歌

武帝昇天留法曲淒情掩抑絃柱促上陽宮人

一作怨女

青苔此夜想夫憐碧玉思婦高樓刺壁窺

一作看

愁猿叫

月鸚呼兒寸心十指有長短妙入神處無人知獨把梁  
州凡幾拍風沙對面胡秦隔聽中忘却前溪碧醉後猶  
疑邊草白

鄭女彈箏歌

鄭女八歲能彈箏春風吹落天上聲一聲雍門淚承睫  
兩聲赤鯉露鬚鬣三聲白猿臂拓頰鄭女出參丈人時  
落花惹斷遊空絲高樓不掩許聲出差殺百舌黃鶯兒  
諒公洞庭孤橘歌

不種自生一株橘誰教渠向堦前出不羨江陵千木奴  
下生白蟻子上生青雀雛飛花簷蔔旃檀香結實如綴  
摩尼珠洞庭橘樹籠煙碧洞庭波月連沙白待取天公  
放恩赦儂家定作湖中客

送行歌

送行人歌一曲何者為泥何者玉年華已向秋草裏一作

衰春夢猶傳故山綠

險竿歌

宛陵女兒臂飛手長竿橫空上下走已能輕險若平地  
豈肯身為一家婦宛陵將士天下雄一下定却長稍弓  
翻身挂影恣騰蹋反綰頭髮盤旋風盤旋風撒飛鳥驚  
猿遶樹枝頭裏頭上打鼓不聞時手蹉脚踏蜘蛛絲忽雷  
掣斷流星尾矐割破蚩尤旗若不隨仙作仙女即應  
嫁賊生賊兒中丞方畧通變化外戶不局從女嫁

洛陽行送洛陽韋七明府

一有  
響字

始上龍門望洛川洛陽桃李豔陽天最好當年二三月

上陽宮樹千花發，疏家父子錯掛冠。  
梁鴻夫妻虛適越，黃鵠樓歌送獨孤助。

故人西去黃鵠樓，西江之水上天流。  
黃鵠杳杳江悠悠，黃鵠徘徊故人別。  
離壺酒盡清絲絕，綠嶼沒餘煙白沙。  
連曉月

廬山瀑布歌送李顧

飄白霓，挂丹梯，應從織女機邊落。  
不遣潯陽湖一作潮向

西火雷劈山珠噴，日五老峰前九江溢。  
九江悠悠萬古

情古人行盡今人行老人也欲上山去上箇深山無姓名

朝上清歌

潔眼朝上清綠景開紫霞皇皇紫微君左右皆靈娥曼  
聲流睇和清歌些至陽無諼其樂多些旌蓋颯沓簫鼓  
和些金鳳玉麟鬱駢羅些反風名香香氣遐些瓊田瑤  
草壽無涯些君着玉衣升玉車些欲降瓊宮玉女家些  
其桃千年始着花些蕭寥天清而滅雲目瓊瓊兮情感

珮隨香兮夜聞肅肅兮悵悵啓天和兮洞靈心和為丹  
兮雲為馬君乘之觴于瑤池之上兮三光羅列而在下

剡紙歌

雲門路上山陰雪中有玉人持玉節宛委山裏一作裏禹

餘糧石中黃子黃金屑剡溪剡紙生剡藤噴水搗後為

蕉葉欲寫金人金口經寄與山陰山裏僧手把山中紫

羅筆思量點畫龍蛇出政是垂頭蹋翼時不免向君求

此物

御定全唐詩卷二百六十五